

**ხ ე ლ შ ე კ რ უ ლ ე ბ ა**  
**სახელმწიფო შესყიდვის შესახებ #01/051-22**

ერთი მხრივ, სსიპ „იუსტიციის უმაღლესი სკოლა“, მისი დირექტორის ვანო ბოლქვაძის სახით, (შემდგომში „შემსყიდველი“), და მეორე მხრივ, შპს „ტელკო სისტემს“ მისი დირექტორის ირაკლი გულიაშვილის სახით (შემდგომში „მიწოდებელი“) „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტის საფუძველზე, ვდებთ წინამდებარე ხელშეკრულებას შემდეგზე:

**მუხლი 1. ხელშეკრულების საგანი**

1.1 ხელშეკრულების საგანია (შემდგომში „შესყიდვის ობიექტი“) ტელეფონის აპარატების (CPV:32552100) და კვების ქსელური წყაროს (CPV: 31311000) შესყიდვა შემდეგი პირობების შესაბამისად:

|   | დასახელება  | CPV      | რაოდ (ცალი) | ერთეულის ფასი (ლარი) | მთლიანი ღირებულება (ლარი) |
|---|---|----------|-------------|----------------------|---------------------------|
| 1 | ტელეფონის აპარატი (FANVILX3SP V2 2 ხაზიანი POE IP ტელეფონი) | 32552100 | 5           | 127.07               | 635.35                    |
| 2 | კვების წყარო 5V 1A FANVILX3SP V2 ტელეფონისთვის              | 31311000 | 5           | 10.36                | 51.80                     |
|   |   |          |             | ჯამი                 | 687.15                    |

1.2 შესყიდვის წყარო: 2022 წლის სახელმწიფო ბიუჯეტის სახსრები.

1.3 შესყიდვის ობიექტის ხარისხი უნდა შეესაბამებოდეს ხელშეკრულებაში მითითებულ და ამ სფეროში არსებულ სტანდარტებს.

**მუხლი 2. ხელშეკრულების ღირებულება**

2.1 ხელშეკრულების საერთო ღირებულება შეადგენს **687.15 (ექვსასათხმოცდაშვიდი ლარი და თხუთმეტი თეთრი)** ლარს, მიწოდებასთან დაკავშირებული ყველა ხარჯის და საქართველოს კანონმდებლობით დადგენილი ყველა გადასახადის ჩათვლით.

**მუხლი 3. შესყიდვის ობიექტის მიწოდების ვადები და ადგილი**

3.1 შესყიდვის ობიექტის მიწოდება განხორციელდება ხელშეკრულების დადებიდან 10 (ათი) სამუშაო დღის ვადაში.

3.2 მიწოდების ადგილია: ქ. თბილისი, ალ. ყაზბეგის გამზ. 29ა.

**მუხლი 4. შესყიდვის ობიექტის მიღება-ჩაბარების წესი**

4.1 შესყიდვის ობიექტი მიწოდებულად ჩათვლება საქართველოს კანონმდებლობით დადგენილი ფორმით საგადასახადო დოკუმენტაციის შემსყიდველისათვის წარდგენის და დადასტურების ან/და შესაბამისი მიღება-ჩაბარების აქტის გაფორმების შემდეგ.

4.2 შემსყიდველის მხრიდან მიღება-ჩაბარების აქტის გაფორმებაზე პასუხისმგებელ პირს წარმოადგენს სსიპ „იუსტიციის უმაღლესი სკოლის“ მატერიალურ-ტექნიკური უზრუნველყოფის სექტორის უფროსი ნიკოლოზ ბუაჩიძე.

**მუხლი 5. ანგარიშსწორების ფორმა და ვადები**

5.1 მიწოდებული შესყიდვის ობიექტის ღირებულების ანაზღაურება მოხდება, უნაღდო ანგარიშსწორებით, ფაქტიურად მიწოდებული შესყიდვის ობიექტის მიხედვით.

5.2 შემსყიდველი ვალდებულია მიმწოდებელთან განახორციელოს ანგარიშსწორება მიმწოდებლის მიერ საქართველოს კანონმდებლობით დადგენილი წესით მიღება-ჩაბარების აქტის გაფორმებიდან ან/და საქართველოს კანონმდებლობით დადგენილი საგადასახადო დოკუმენტაციის (დღგ-ს ანგარიშ-ფაქტურა, სასაქონლო ზედნადები, და სხვა) შემსყიდველისათვის წარდგენიდან, არაუგვიანეს 10 (ათი) სამუშაო დღისა.

**მუხლი 6. შესყიდვის ობიექტის გარანტია**

6.1 გარანტიის პირობები: მიღება-ჩაბარების აქტის გაფორმების დღიდან შესყიდვის ობიექტზე უნდა გავრცელდეს არანაკლებ 2 (ორი) წლიანი გარანტია.

6.2 საგარანტიო პერიოდის განმავლობაში აღმოჩენილი ხარვეზის შემთხვევაში, მიმწოდებელი ვალდებულია სერვის ცენტრში, შემსყიდველის მიერ, დაზიანებული ტელეფონის აპარატის ან კვების წყაროს მიტანიდან მეოთხე სამუშაო დღეს უზრუნველყოს გაუმართაობის მიზეზის იდენტიფიცირება და არაუმეტეს 45

(ორმოცდახუთი) კალენდარული დღის ვადაში (სირთულის მიხედვით), ხარვეზის მქონე კომპონენტის საკუთარი ხარჯებით შეკეთება ან შეცვლა.

### **მუხლი 7. მხარეთა უფლება-ვალდებულებები**

7.1 შემსყიდველს უფლება აქვს:

- ა) შეამოწმოს შესყიდვის ობიექტის ხარისხი.
- ბ) მოსთხოვოს მიმწოდებელს ხელშეკრულების ჯეროვანი, დროული და კეთილსინდისიერი შესრულება.
- გ) ნებისმიერ დროს შეაჩეროს ან შეწყვიტოს ხელშეკრულება, როდესაც ამის აუცილებლობა წარმოიქმნება მისგან დამოუკიდებელი და წინასწარ გაუთვალისწინებელი ობიექტური მიზეზების გამო, აგრეთვე სახელმწიფო ან საზოგადოებრივი ინტერესებიდან გამომდინარე.

7.2 შემსყიდველი ვალდებულია:

- ა) წერილობითი ფორმით, ან ამ ხელშეკრულებაში მითითებული ელექტრონული ფოსტით აცნობოს მიმწოდებელს შესყიდვის ობიექტის წუნის შესახებ.
- ბ) დაიცვას ხელშეკრულებით გათვალისწინებული პირობები.

7.3 მიმწოდებელს უფლება აქვს:

- ა) მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.
- ბ) მოითხოვოს შემსყიდველისაგან ხელშეკრულების სხვა პირობების დაცვა.

7.4 მიმწოდებელი ვალდებულია:

- ა) მიაწოდოს შემსყიდველს შესყიდვის ობიექტი ხელშეკრულებით დადგენილი პირობების შესაბამისად;
- ბ) ხელშეკრულებით დადგენილი პირობებისა და წესის შესაბამისად დროულად აღმოფხვრას შესყიდვის ობიექტის წუნი;
- გ) ჯეროვნად, დროულად და კეთილსინდისიერად შეასრულოს ხელშეკრულების პირობები.

### **მუხლი 8. ხელშეკრულების ინსპექტირების პირობები**

8.1 შემსყიდველი უფლებამოსილია მოახდინოს შესყიდვის ობიექტის შემოწმება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

8.2 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს დაწუნებული ობიექტის ნაწილის და წუნდების მითითებით.

8.3 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

8.4 ხელშეკრულების ინსპექტირებას შემსყიდველის მხრიდან განახორციელებს სსიპ "იუსტიციის უმაღლესი სკოლის" მატერიალურ-ტექნიკური უზრუნველყოფის სექტორის უფროსი ნიკოლოზ ბუაჩიძე.

### **მუხლი 9. პირგასამტეხლო ხელშეკრულების პირობების შეუსრულებლობისათვის**

9.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისთვის მხარეებს ეკისრება პირგასამტეხლო შესასრულებელი ვალდებულების ღირებულების 0.2% ოდენობით. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9.2 იმ შემთხვევაში თუ ვადაგადაცილების გამო დაკისრებული პირგასამტეხლოს ჯამური ოდენობა გადააჭარბებს ხელშეკრულების საერთო ღირებულების 2%-ს, მხარეებს უფლება აქვთ შეწყვიტონ ხელშეკრულება.

9.3 ხელშეკრულებით ნაკისრი ვალდებულებების შეუსრულებლობით გამოწვეული ზიანის ანაზღაურების საკითხი რეგულირდება საქართველოს კანონმდებლობით.

### **მუხლი 10. ხელშეკრულებაში ცვლილებების შეტანა და ხელშეკრულების შეწყვეტა**

10.1 ხელშეკრულებაში ნებისმიერი ცვლილების ან დამატების შეტანა შეიძლება მხოლოდ მხარეთა წერილობითი შეთანხმებით.

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3 საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4 თუ ხელშეკრულების რომელიმე მხარე დაარღვევს ხელშეკრულებიდან გამომდინარე ვალდებულებას და პირობებს, მაშინ ხელშეკრულების მეორე მხარეს შეუძლია მოითხოვოს ხელშეკრულების შეწყვეტა, ვალდებულების შესრულებისათვის მის მიერ დამატებით განსაზღვრული გონივრული ვადის უშედეგოდ გასვლის შემდეგ (გამოიყენება წერილობითი ფორმა ან ამ ხელშეკრულებაში მითითებულ ელექტრონულ ფოსტაზე გაფრთხილების გაგზავნა). თუ ვალდებულების ხასიათიდან გამომდინარე შეუძლებელია ან აზრს კარგავს დამატებითი ვადის გამოყენება, მაშინ დამატებითი ვადის განსაზღვრას უთანაბრდება გაფრთხილება (გამოიყენება წერილობითი ფორმა ან ამ ხელშეკრულებაში მითითებულ ელექტრონულ ფოსტაზე გაფრთხილების გაგზავნა).

10.5 ხელშეკრულების შეწყვეტასთან და ზიანის ანაზღაურებასთან დაკავშირებით გამოიყენება საქართველოს სამოქალაქო კოდექსის შესაბამისი მუხლები.

10.6 ხელშეკრულება ასევე, შეიძლება შეწყდეს მხარეთა ინიციატივით, წერილობითი ურთიერთშეთანხმების საფუძველზე.

### **მუხლი 11. დავები და მათი გადაწყვეტის წესი**

11.1 ხელშეკრულების შესრულების პროცესში მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილი იქნას მოლაპარაკების გზით.

11.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

### **მუხლი 12. დაუძლეველი ძალა**

12.1 მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე.

12.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ორ კვირაზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის მოთხოვნის უფლების გარეშე.

12.3 დაუძლეველი ძალის შემთხვევაში მხარე დაუყოვნებლივ წერილობით აცნობებს ამის შესახებ მეორე მხარეს.

### **მუხლი 13. სხვა პირობები**

13.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

13.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

13.3 ხელშეკრულება შედგენილია ელექტრონულად ქართულ ენაზე, რომლის ყოველი ელექტრონული ეგზემპლარი ორიგინალია.

13.4 ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

### **მუხლი 14. ხელშეკრულების მოქმედების ვადა**

14.1 ხელშეკრულება ძალაში შედის მისი დადების დღიდან და მოქმედებს 2022 წლის 01 სექტემბრამდე.

14.2 დოკუმენტის შედგენის თარიღი: 14 ივნისი 2022 წელი.

#### **„შემსყიდველი“**

სსიპ „იუსტიციის უმაღლესი სკოლა“  
ქ.თბილისი, ნ.ბოხუას #19; ს/კ: 205146493  
ტელ: 238 11 61;  
ელ-ფოსტა: vtchitchagua@hsoj.ge  
სახელმწიფო ხაზინა,  
ხაზინის კოდი: TRESGE22  
ა/ა GE24NB0330100200165022

დირექტორი  
ვანო ბოლქვაძე

#### **„მიმწოდებელი“**

შპს „ტელეკო სისტემს“  
ქ. თბილისი, ნუცუბიდის 221 კ. 1ა ბ33;  
ს/კ: 205203279 ტ. 2192 999  
ელ-ფოსტა: sales@telco.ge  
სს „თიბისი ბანკი“  
ბანკის კოდი: TBCBGE22  
ა/ა GE75TB4021536020100006

დირექტორი  
ირაკლი გულიაშვილი